



Broj: 05/06-04-58637-85/25-275  
Sarajevo, 11.06.2026. godine

**KANTON SARAJEVO**  
**SKUPŠTINA KANTONA SARAJEVO**  
N/r Predsjedavajućeg Skupštine

**Predmet: Odgovor na zastupničku inicijativu zastupnice Admele Hodžić– dostavlja se**  
**Veza: Akt Skupštine Kantona Sarajevo broj: 01-04-58637-85/25 od 08.04.2026. godine**

Dana 10.04.2026. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničku inicijativu zastupnice Admele Hodžić koja je dana 06.04.2026. godine u skladu sa članom 212. stav (2) Poslovnika Skupštine Kantona Sarajevo uputila zastupničku inicijativu koja glasi:

„Na osnovu člana 106. i 213. stav (1) Poslovnika Skupštine Kantona Sarajevo („Službene novine Kantona Sarajevo“, broj 41/12-drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), podnosim zastupničku inicijativu Ministarstvu za rad, socijalnu politiku, raseljena lica i izbjeglice Kantona Sarajevo, Ministarstvu za boračka pitanja Kantona Sarajevo, Ministarstvu zdravstva Kantona Sarajevo, Ministarstvu za odgoj i obrazovanje Kantona Sarajevo, Ministarstvu kulture i sporta Kantona Sarajevo, Ministarstvu pravde i uprave Kantona Sarajevo, Ministarstvu unutrašnjih poslova Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo i Pravobranilaštvu Kantona Sarajevo, da što prije poduzmu sve potrebne mjere i radnje, kako bi se formirala interesorna radna grupa koja će biti zadužena da preispita zakonsku provedbu Odluke o davanju u podzakup stanova, poslovnih prostora i garaža u objektima O-9 i O-10 na lokaciji "Otes" ("Službene novine Kantona Sarajevo", broj: 16/03) od 10.06.2023. godine, utvrdi sve radnje koje nisu bile u skladu sa zakonima u postupanju prilikom primjene ove Odluke svih učesnika, preispita zakonsku opravdanost daljnjeg postupanja po ovoj Odluci kao i razmatranje mogućih zakonskih rješenja, odnosno mogućeg otkupa zgrada, renoviranja i stavljanja na raspolaganje mladim ljudima u Kantonu Sarajevo za kupovinu pod povoljnijim uslovima, na isti način ili sličan način kako je to do sad uspješno urađeno u Ministarstvu za boračka pitanja KS, kupovinom stanova i dodjelom u trajno vlasništvo boračkoj populaciji, kao i mogućnost davanja stanova pod zakup uz plaćanje naknade za stanovanje mladim ljudima i pristupe izradi Odluke o izmjenama Odluke o davanju u podzakup stanova, poslovnih prostora i garaža u objektima O-9 i O-10 na lokaciji „Otes“ ili stavljanje iste van snage.”

## ODGOVOR:

Vežano za dostavljeno zastupničku inicijativu Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dostavlja Vam odgovor kako slijedi:

Ministarstvo komunalne privrede, infrastrukture, prostornog uređenja, građenja i zaštite okoliša nije nadležno za provođenje socijalne politike u Kantonu Sarajevo.

**Ističemo da je Odluka o davanju u podzakup stanova, poslovnih prostora i garaža u objektima O-9 i O-10 na lokaciji "Otes" ("Službene novine Kantona Sarajevo", broj: 16/03) donesena na osnovu Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo” broj: 16/02).**

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo ne raspolaže sa stambenim jedinicama u objektima O-9 i O-10 na lokaciji OTES i potpuno je nelogično da stanovima raspolaže i iste dodjeljuje 6 drugih ministarstva a da ugovore o podzakup stana potpisuje Ministarstvo komunalne privrede, infrastrukture, prostornog uređenja, građenja i zaštite okoliša koje pored navedenog nije nadležno ni za provođenje socijalne politike u Kantonu Sarajevo.

Ministarstvo komunalne privrede, infrastrukture, prostornog uređenja, građenja i zaštite okoliša podržava upućenu inicijativu jer je Odluka o davanju u podzakup stanova, poslovnih prostora i garaža u objektima O-9 i O-10 na lokaciji "Otes" donesena još 2003. godine i potrebna je njena detaljna analiza i izmjena.

Također cijenimo opravdanim formiranje interesorne radne grupe i prijedlog je da ovom radnom grupom treba rukovoditi Vlada Kantona Sarajevo putem Ministarstva za rad, socijalnu politiku, raseljena lica i izbjeglice u čijoj je nadležnosti socijalna politika Kantona Sarajevo, te da je i izrada izmjena i dopuna postojeće Odluke, ili eventualno izrada potpuno nove Odluke u nadležnosti tog ministarstva.

Aktivnosti na provođenju upućene inicijative potrebno je poduzeti u što skorijem roku obzirom da se problemi u provođenju ove Odluke samo gomilaju, ugovor o zakupu objekata validan je do 2032. godine a troškovi zakupa svake godine rastu, gomilaju se i dugovi zbog neplaćenih komunalnih usluga, objekti su zbog neodržavanja u jako lošem stanju te će isti morati biti kompletno renovirani prije njihove predaje vlasniku, odnosno isti će morati biti vraćeni u prvobitno stanje, što će također finansirati Kanton Sarajevo.

S poštovanjem,

Pripremila: Šemsa Šengerović, stručni savjetnik  
Kontrolisala: Ana Miković, stručni savjetnik



**PO OVLAŠTENJU MINISTRA**  
**sekretar Ministarstva**

**Vildana Smajović**

### Dostaviti:

1. Predsjedavajući Skupštine Kantona Sarajevo
2. Služba za skupštinske poslove
3. Sekretar Vlade Kantona Sarajevo
4. Koordinator za izradu odgovora na zastupnička pitanja
5. Evidencija
6. a/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>, E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)